


# PROCLAMATIE

2023



## Prins Stefan 1<sup>e</sup> en Prinses Lillian 1<sup>e</sup>

*11 jaor wonende in de Sjportparklaan,  
zoon van 'ne Bok en 'ne Boschraaf,  
mer ouch mèt roots aan de Putwaeg in Klein Genhout,  
24-oers financieel controleur bij RSM,  
sjatmeister van de LBM en SKL,  
jeugdtrainer en veteraan bij SV Hulsberg,  
mèt aan mien ziej Prinses Lillian,  
gebaore Hollender mer getaoge es Limburger,  
chef pastrami bij de Appie,  
vastelaovesvierder in hart en nere  
en alles en ederein-kènner,  
beide lid van de fanfaar in Sjin op Geul  
en same mèt ós kinger Mathijs en Lisa  
óngerdeil van CV Sjteek Los.*

*Biegesjtange door President Naud en de Wieze Raod van 11,  
make veer bij deze bekènd:*

*Ten ièsjte:*

Naodat de jeug aafgeloupe jaor 't vastelaovesgeveul haet doorgegaeve,  
zin veer blij dat veer de vastelaovend noe wir mèt klein én groot prinsepaar maoge belaeve.

*Ten twiède:*

Veer hóbbe de optochte in 't Beumerwald ummer mèt vööl plezeer geloupe.  
Dat veer 't dit jaor vanaaf de Prinsewage maoge mètmake, dao hauw veer allein mer op kènne houpe.

*Ten derde:*

Wo ich 't ganse jaor de ciefers van klante bèn aan 't kontrolere,  
zulle ze mich in fibberwari toch ech effe mótte laote gewaere.

*Ten veerde:*

't Is duudelijk: ouch bij de Albert Heijn hingk de vastelaovend wir in de lóch.  
Vanaaf maondigmörge waere allein nog mer rood-gael-greun paprika's verkoch.

*Ten vijfde:*

Óndanks dat ós vrung van CV Sjteek Los 't dit jaor zónger ós zulle mótte door,  
zin veer d'r van euvertuug dat ze d'r ouch noe wir prachtig op zulle sjtaon.

*Ten zèsde:*

Noe bij de veterane van SV Hulsberg 'ne Prins in hun midde is,  
weurd vanaaf 11 minute veur 't fluitsignaal allein nog mer werm geloupe in 'ne polonais.

*Ten zevende:*

Bisse aan 't sjnóttère, kuche of hooste, dan mak dat dit jaor neet oet.  
Vanwege 't personeelstekort vreug de hoesarts toch allein mer 'n foto van dien sjoet.

\*

Veer höbbe twiè jaor langk op ós oetroope gewach.  
Veer wille noe get vaart make en sjrappe daorum nummer 8.

*Ten neugende:*

Om te veurkómme dat de luuj van boete Hölsberg-centrum sijnachs de waeg nao hoes toe kwietrake,  
höbbe veer de provincie gevraog um de boulevard richting Aolbaek op tied aope te make.

*Ten tiende:*

Mèt 't Prinsepaar in de sjtraot höbbe Kitty en Albair richtig sjtress.  
Kump dit jaor dan toch ein foto aan de moer van Prins mèt Prinses?

*Ten èlfde:*

Door de gaaspries sjtaoke de luuj zich gans erm.  
Kóm daorum nao de kaffee, dan sjpringe veer os same werm.

*Ós motto veur dizze vastelaovend is:*

***“Sjpringe, sjoenkele, danse en zinge,  
pak uch noe mer vas.  
Want allein same  
höbbe veer de groatste sjpas!”***

*Aldus gegaeve op 19 november 2022, te Hölsberg*

*Prins Stefan 1e en Prinses Lillian 1e*